

The Electronic *Manipulus florum*
www.manipulusflorum.com

Bellum ac
cum fonte primo

Non enim tantum celerius sed et iam perfectius imbuuntur quae discuntur a pueris. Deinde militaris alacritas, saltus et cursus ante temptandus est quam corpus etate pigrescat. Velocitas enim est quae percepto exercitio strenuum efficit bellatorem.

Nam taliter instituto pugnare aduersus quoslibet hostes in acie formido non erit sed uoluptas.

Ibidem (Vegecius de re militari libro I.) capitulo III.

Et quidem, si antiqua consuetudo servanda est, incipientem pubertatem ad dilectum cogendam nullus ignorat;

non enim tantum celerius sed etiam perfectius imbibuntur quae discuntur a pueris.

Deinde militaris alacritas, saltus et cursus ante temptandus est quam corpus etate pigrescat; velocitas enim est quae percepto exercitio strenuum efficit bellatorem.

Adulescentes legendi sunt, sicut ait Sallustius; nam 'simul ac iuventus belli patiens erat in castris per laborem usum militiae discebant'. Melius enim est ut exercitatus iuuenis causetur aetatem nondum aduenisse pugnandi quam doleat praeterisse.

Habeat etiam spatium universa discendi; neque enim parva aut levis ars videtur armorum, sive equitem sive peditem sagittarium velis imbuere sive scutatam,

armaturae numeros omnes omnesque gestus docere, ne locum deserat, ne ordines turbet, ut missile et destinato ictu

et magnis viribus iaciat, ut fossam ducere, sudes scienter figere noverit, tractare scutum et obliquis ictibus venientia tela deflectere, plagam prudenter vitare, audacter inferre.

Huic taliter instituto tironi pugnare aduersus quoslibet hostes in acie formido non erit sed voluptas.

Publius Flavius Vegetius Renatus, *Epitoma rei militaris*, 1.4.1-9 (M.D. Reeve ed., pp.8-9, ll.21-23, 1-20).